

DACA a sangte a ding Cidamna coverage

November ni 1, 2024 pan kipan in DACA asangte'n OHP Bridge leh Vanzuakna phual cidamna coverage (Marketplace health coverage) ngah thei ta ding uh hi.

Deferred Action for Childhood Arrivals (DACA) a cih bang a hiam?

DACA pen federal sepkhiatna khat hi a, kumpi ciaptehna lai a neilo mi pawlkhat kipuakkikna (deport) a thuak loh na ding un nasem uhhi. Hih gamdangmi te pen United States ah a neu lai pek un ong tung uh ahihi. DACA asangte pen nasem thei uh a, sang zong kah thei uh hi. DACA pen a tawntung a ding hilo hi. Kum nih sim in a thak bawl kik kul hi.



Oregon Heath Plan (OHP) pen bang a hi hiam?

Oregon Health Plan (OHP) pen Oregon i Cidamna lam panpihna (Medicaid) sepkhiatna hi a, A cidam zaw Oregon (Healthier Oregon) ong hih nang zong kihel hi. OHP Plus pen gamdang mi hihna dinmun te ki en lo in, naupang te leh kumcing sa khangno te a ding ki ngah thei hi. OHP Plus ah zato lam, ha cidamna lam, leh gamtat luheek tawh kisai cidamna lam khoina cih te kihel gai hi. Pawllut te a ding adang hamphatna te a hi, zatolam kimuhna te leh cidamna lam panpihna te a pai a ciah na ding uh ki vahawm sak lai ding hi. OHP Plus ah pawllut man piakkul lo hi. Tua a hih man in, premiums, co-payments (sumpiak kulna), coinsurance leh deductible (dokkul sum) te cih bang om nawn lo ding hi.



OHP Bridge a cih bang hiam?

Oregon Health Plan (OHP) Bridge pen OHP Plus ngeina kiciangtan zah sang a tam zaw sumlut a nei kumcing khin khangno te ading cidamna coverage hamphatna nam thak khat a hihi. Tua na ngah theih nang in gamdang mi hih theihna dinmun khat na neih kul ding a, tun ahih leh DACA a sangte zong kihel ding hi. OHP Bridge ah hun saupi panpihna te kihel lo a, khua hun, inn leh lo, ahihkeileh pumpi ading cidamna lam hamphatna te a ding zong kihel lo hi. OHP Plus bang mah in, OHP Bridge ah pawllut man om lo hi.



Marketplace (Vanzuakna phual) a cih bang hiam?

Oregon Cidamna Aamahkhan Vanzuakna phual pen Oregonian (Oregon a tengte) te'n mimal neih cidamna aamahkhan plan te tehkak in minkhum theih na ding in a huh ding a hihi. Hih pen minkhum sa te'n cidamna coverage leh khoina te a ding sumpiakna ah huhna a ngah theih na ding uh mun a hihi. Marketplace pen state tawh nasem khawm a, OHP Plus leh OHP Bridge a ngah thei ding mi te min piak sak hi. Tua na ngah theih nang in gamdang mi hih theihna dinmun khat na neih kul ding a, tun ahih leh DACA a sangte zong kihel ding hi.

Hih plan ah bang teng kihel hiam?

OHP Plus, OHP Bridge, leh Marketplace plan te ah hamphatna a zai pi ngah theih na ding kihel a, a kihel teng in:

- Manpiakkullo cidamna ki-sit theihna te leh kidalkholhna lam sepna khoina te.
- Kidal kholhna zatui sutna
- Zato ah kikepna (Zan giahna leh sun sung kilah pakna)
- Nausuak ding nu te leh nauneu te kepna
- Vaikin panpihna te
- Si sitna, x-ray, leh zatui dawn ding hilhcianna.
- Ki pattah kikna leh huhpiakna lam panpihna te
- Lungsim cidamna leh zatui zang te khoina
- Naupang te ading ha lam leh mit lam khoina.

Koi dan in min khum thei ding ka hiam?

Koi pan koi pan in na kipan zong in, nang a ding akilawm akituak program ah ong ki tun ve ve ding hi. Huhna pen kampau nam tampi tawh ki ngah hi. Kampau theilo/Beng awng te a ding phone call zong ki sang hi.

OHP Plus leh OHP Bridge:

- Online pan a hih leh hih tak ah benefits.oregon.gov
- Hih numbat 800-699-9075 sam in
- A mi ngiat na pai nop leh [Oregon Department of Human Services \(ODHS\) zum \(orhim.info/DHSoffice\)](#)

Marketplace cidamna coverage:

- Online pan a hih leh hih tak ah HealthCare.gov
- Hih numbat 800-318-2596 sam in

Koi pan in pan ding ka hiam?

Ko i Window Shopping van (tool) te zang in la bang sepkhiatna te leh kholtheihna (savings) te nang a ding om cih kan in. Hih van(tool) te hiah en in OregonHealthCare.gov/WindowShop.

Huhna ka ngah thei diam?

Ngah thei mah cei! Hihdan siauhna ah ahuh te leh aamakhhan kosale te in hamphatna te na siauhna ah ong huh thei ding uh hi. Na kiim ah ong huh thei ding hiah zong in OregonHealthCare.gov/GetHelp.